

33
NO. SOALAN: 19

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : LISAN

**DARIPADA : DATO' HAJI MOHD FASIAH BIN HAJI MOHD
FAKEH**

TARIKH : 9 NOVEMBER 2017

RUJUKAN : 10316

SOALAN :

PR-1353-L03967

Dato' Haji Mohd Fasiah Bin Haji Mohd Fakeh [Sabak Bernam] minta **MENTERI DALAM NEGERI** menyatakan anggaran jumlah Pendatang Asing Tanpa Izin (PATI) yang terdapat dalam negara mengikut negara (Indonesia, Bangladesh, Pakistan, India dan lainnya) dan nyatakan langkah Kerajaan bagi mengesan dan mengenal pasti lokaliti dan pekerjaan PATI ini.

JAWAPAN:

Tuan Yang di-Pertua,

Statistik tangkapan PATI menunjukkan seramai 59,734 orang telah ditangkap pada tahun 2015 dan seramai 49,496 orang pada tahun 2016. Manakala sehingga 30 September 2017 seramai 34,189 orang telah ditangkap melalui operasi penguatkuasaan oleh Jabatan Imigresen Malaysia.

Berdasarkan jumlah tangkapan PATI dari tahun 2015 hingga tahun 2017, pecahan mengikut warganegara adalah seperti berikut:

- (i) **Indonesia** - 44,450 orang
- (ii) **Bangladesh** - 26,010 orang
- (iii) **Myanmar** - 14,281 orang
- (iv) **Filipina** - 26,626 orang
- (v) **Thailand** - 7,191 orang
- (vi) **Vietnam** - 5,756 orang
- (vii) **Nepal** - 4,362 orang
- (viii) **India** - 4,168 orang
- (ix) **Pakistan** - 5,141 orang
- (x) **China** - 1,654 orang
- (xi) **Kemboja** - 1,709 orang
- (xii) **Nigeria** - 526 orang
- (xiii) **Sri Lanka** - 322 orang
- (xiv) **Laos** - 75 orang
- (xv) **Lain-lain** - 1,148 orang

Program Penggajian dan Penempatan Semula PATI (Program *Rehiring*) telah dilancarkan oleh Kerajaan bermula pada 15 Februari 2016 dengan tujuan untuk mendaftar PATI yang bekerja secara haram di Malaysia melalui syarat-syarat yang ditetapkan secara atas talian.

Program ini turut dirangka untuk memenuhi permintaan majikan bagi mengisi keperluan tenaga kerja di sektor pekerjaan yang dibenarkan sahaja selain membolehkan Kerajaan memantau jumlah PATI dalam negara. Kerajaan telah mendaftarkan seramai 534,040 orang PATI menerusi Program *Rehiring* bagi tempoh 15 Februari 2016 hingga 30 September 2017.

Sebagai langkah mengesan PATI, mengenalpasti lokaliti dan pekerjaan PATI ini, Jabatan Imigresen Malaysia melaksanakan pemeriksaan berdasarkan aduan yang diterima daripada orang awam dari pelbagai sumber seperti emel, surat, telefon, sistem pesanan ringkas dan aduan melalui kaunter imigresen. Ibu pejabat dan pejabat negeri yang menerima sebarang aduan akan menjalankan operasi dengan mengambil kira aspek perancangan, faktor risiko dan pematuhan kepada *Standard Operating Procedure (SOP)* yang sedang berkuatkuasa seperti yang telah ditetapkan.